



**Imlitir 35/2013**

**Chuirg: Údaráis Bhainistíochta Mheánscoileanna, Phobalscoileanna agus  
Scoileanna Cuimsitheacha Aitheanta**

**Comhaontú na Seirbhíse Poiblí 2013 – 2016 (Comhaontú Bhóthar Haddington)  
agus an tAcht um Bearta Airgeadais Éigeandála ar Mhaithe le Leas an Phobail  
2013**

**Oifigigh Chléireachais agus Feighlithe fostaithe i Scoileanna Náisiúnta faoi  
Scéim 1978/79 agus Oifigigh Chléireachais fostaithe in Iar-Bhunscoileanna faoi  
Scéim 1978**

**Réamhrá**

1. Is í aidhm na hImlitreach seo ná údaráis bhainistíochta agus Oifigigh Chléireachais agus Feighlithe fostaithe i Scoileanna Náisiúnta faoi Scéim 1978/79 agus Oifigigh Chléireachais fostaithe in Iar-Bhunscoileanna faoi Scéim 1978 a chur ar an eolas faoi na hathruithe ar phá agus bearta eile le teacht i bhfeidhm ón 1 Iúil 2013. Eascraíonn na hathruithe seo as an Acht um Bearta Airgeadais Éigeandála ar Mhaithe le Leas an Phobail 2013 agus Comhaontú na Seirbhíse Poiblí 2013 – 2016 (Comhaontú Bhóthar Haddington), ag féachaint d'Alt 7 den Acht.
2. Do chúiseanna na hImlitreach seo, glactar leis gurb é is ciall le tuarastal ná tuarastal a chuimsíonn liúntais i nádúr pá atá ina liúntais inphinsin seasta tréimhsiúla.

**Incrimintí agus bearta cothromaithe ábhartha**

3. D'fhoireann ar thuarastail faoi bhun €35,000, beidh reo incriminte amháin trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an incrimint ina dhiaidh sin á bronnadh i ndiaidh 15 mhí murab ionann agus 12.

4. D'fhoireann ar thuarastail idir €35,000 agus €65,000, beidh dhá reo incriminte trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an chéad dá incrimint eile á mbronnadh i ndiaidh 15 mhí murab ionann agus 12 mhí.
5. Nuair a sháraíonn an bhaill foirne €35,000 le linn an Chomhaontaithe, beidh dara reo incriminte trí mhí i bhfeidhm, faoi réir na socruithe do mhúinteoirí ar thuarastail idir €35,000 agus €65,000 mar a luaitear in alt 4 thuas.
6. Beidh socruithe ar leith ann d'fhoireann ar thuarastail idir €35,000 agus €65,000 atá ar uaspoinnte an scála incrimintigh nó a shroicheann uaspoinnte an scála i ndiaidh tréimhse incriminte 15 mhí. Cuirfear na socruithe seo in iúl i litir ar leithligh.
7. Nuair atá duine fostaithe ar níos lú ná uaireanta iomlána, ansin déanfar dhéanamh chun a dtuarastal coibhéiseach lánaimseartha a chinneadh. Nuair atá an tuarastal coibhéiseach lánaimseartha níos lú ná €35,000, beidh na bearta incriminte in alt 3 i bhfeidhm. Nuair atá an tuarastal coibhéiseach lánaimseartha níos mó ná €35,000, beidh na bearta in ailt 4 go 6 i bhfeidhm mar is cuí.

#### **Uaireanta Oibre Breise**

8. Maidir le foireann le seachtain oibre 35 uair an chloig nó níos lú in aghaidh na seachtaine (gan sosanna san áireamh) ardófar é seo go dtí 37 uair an chloig in aghaidh na seachtaine agus maidir le foireann a oibríonn níos mó ná 35 ach níos lú ná 39 uair an chloig in aghaidh na seachtaine (gan sosanna san áireamh) ardófar é seo go dtí seachtain 39 uair an chloig. Beidh socruithe *pro-rata* i bhfeidhm d'fhoireann phostroinnte agus pháirtaimseartha.
9. Fanfaidh uaireanta oibre na foirne sin le glan-seachtain oibre 39 uair an chloig nó níos mó mar atá, ach beidh uair an chloig de ragobair a oibrítear ag an bhfoireann seo gach seachtain gan íocaíocht go dtí 31 Márta 2014. Beidh socruithe *pro-rata* i bhfeidhm d'fhoireann phostroinnte agus pháirtaimseartha.
10. Amscála d'fhorfheidhmiú na n-uaireanta oibre nua:
  - Cuirfear an chéad 2 uair agus 15 nóiméad in aghaidh an duine in aghaidh na seachtaine i bhfeidhm ó 1 Iúil 2013.
  - Cuirfear aon dliteanas a fhanann i bhfeidhm ó 1 Iúil 2015.
11. Déanfar uaireanta breise a oibreofar a úsáid, agus is féidir iad a chomhiomlánú, ar bhonn laethúil, seachtainiúil nó bliantúil i ndiaidh comhairliúcháin áitiúil, bunaithe ar na prionsabail comhaontaithe i ngach earnáil.
12. Comhoibríodh an fhoireann leis na leasuithe ar uainchláir atá riachtanach d'úsáid iomlán na n-uaireanta breise agus le leasuithe ar bith a thagann dá bharr.

13. Ceadóidh bainistíocht scoile do dhaoine rogha a dhéanamh fanacht ar a n-uaireanta reatha ar feadh tréimhse **faoi réir leasaithe cuí sa phá**. Críochnóidh an tréimhse seo ar 30 Meitheamh 2014 ar a dhéanaí ach amháin má aontaítear a mhalairt le bainistíocht scoile. Ba chóir do bhainistíocht scoile eolas a thabhairt do Rannóg Párolla Foirne Neamh-Teagaisc na Roinne áit ar bith a cheadaítear socruithe dá leithéid. Caithfear le huaireanta laghdaithe mar shocrú postroinnte, áit a bhfuil scéim dá leithéid ann faoi láthair.
14. Do ghráid suas le **Grád VII agus an grád sin san áireamh, agus coibhéisí** beidh arduithe sna huaireanta oibre **teoranta do dhá uair an chloig agus 15 nóiméad in aghaidh na seachtaine** faoi réir na nithe seo a leanas:
- Beidh seachtain oibre íosta 35 uair an chloig in aghaidh na seachtaine i bhfeidhm. Beidh socruithe *pro-rata* i bhfeidhm d'fhoireann phostroinnte agus pháirtaimseartha.

**Sampla Oibrithe:**

*Más Grád III nó a choibhéis tú atá ag obair 32.5 uair an chloig in aghaidh na seachtaine faoi láthair (gan sosanna san áireamh) agus má tá tú i nGrád atá faoi ionadaíocht ag Ceardchumann a d'aontaigh le Comhaontú Bhóthar Haddington ansin, le feidhm ó 1 Iúil 2013 ardaíonn d'uaireanta oibre go dtí 34 uair 45 nóiméad in aghaidh na seachtaine (gan sosanna san áireamh). Le feidhm ó 1 Iúil 2015 ardaíonn d'uaireanta oibre arís go dtí 35 uair an chloig in aghaidh na seachtaine (gan sosanna san áireamh).*

**Asbhaint a Bhaineann le Pinsean – Leasú Ráta:**

15. Laghdófar na rátaí don Asbhaint a Bhaineann le Pinsean sa ráta banda €15,000-€20,000 go dtí 2.5% ó 5% le feidhm ón 1 Eanáir 2014. Ón 1 Eanáir 2014, is iad seo a leanas na rátaí a bheidh ann don Asbhaint a Bhaineann le Pinsean (PRD):

<b>Bandaí agus Rátaí</b>	
Faoi bhun €15,000	Díolmhaithe
€15,000 - €20,000	2.5%
€20,000 - €60,000	10.0%
Os cionn €60,000	10.5%

**Pinsin**

16. Maidir le ball foirne le rochtain ar scéim pinsean seirbhíse poiblí a théann ar scor ar an 31 Lúnasa 2014 nó roimhe sin, déanfar a s(h)ochair aoisliúntais a ríomh trí thagairt do na scálaí pá atá i bhfeidhm ar an 30 Meitheamh 2013.

17. Nuair a théann ball foirne ar scor ar an 31 Lúnasa 2014 nó roimhe sin ar phinsean níos airde ná €32,500, beidh an pinsean sin faoi réir an Laghdaithe Pinsin Seirbhíse Poiblí (LPSP) mar a fhoráiltear dó san Acht um Bearta Airgeadais Éigeandála ar Mhaithe le Leas an Phobail 2013 atá i bhfeidhm ar an 1 Iúil 2013 agus ina dhiaidh.
18. Is féidir eolas ar na forálacha LPSP san Acht 2013 a fheiceáil ar shuíomh gréasáin na Roinne Caiteachais Phoiblí agus Athchóirithe ag: <http://per.gov.ie/faqs-on-haddington-road-agreement-2/>

### **Scéim Comhroinnte Oibre d'Oifigigh Chléireachais fostaithe i Scoileanna Náisiúnta agus in Iar-Bhunscoileanna faoi Scéim 1978**

19. Tá forfheidhmiú agus oibriú na socrúithe comhroinnte oibre de lánrogha na bainistíochta scoile, a choinníonn an lánrogha leasú, laghdú agus/nó caighdeánú a dhéanamh ar réimse na bpatrún comhroinnte oibre atá ar fáil don fhoireann le haird ar riachtanais shainiúla na scoile.
20. Níor chóir patrún comhroinnte oibre a cheadófar amach anseo a bheith níos lú ná 50% d'uaireanta oibre lánaimseartha.
21. Déanfar socrúithe comhroinnte oibre gach comhalta foirne a athbhreithniú go foirmiúil ar bhonn bliantúil (nó níos luaithe más gá). Áit nach bhfuil athbhreithniú dá leithéid déanta go fóill, ní mór athbhreithniú a chur i gcrích faoi dheireadh na bliana 2013.
22. Dearbhaítear lánrogha na bainistíochta scoile socrúithe comhroinnte oibre chomhalta foirne a leasú nó a athrú, ar fhógra cuí (3 mhí) a thabhairt. Is féidir le bainistíocht scoile, ar bhonn gnó réasúnta agus le fógra réasúnta, iarratas ar chomhroinnt oibre a dhiúltú, iarraidh ar chomhalta foirne a socrúithe comhroinnte oibre a athrú, nó iarraidh ar chomhalta foirne obair lánaimseartha a atosú.

### **Scaipeachán**

23. Déan cinnte, led' thoil, go dtugtar cóipeanna den Imlitir seo don Bhord Bainistíochta agus go dtairringítear aird na nOifigeach Cléireachais agus na bhFeighlithe uile atá fostaithe i Scoileanna Náisiúnta faoi Scéim 1978/79 agus Oifigigh Chléireachais atá fostaithe in Iar-Bhunscoileanna faoi Scéim 1978 i d'fhostaíocht, iad siúd atá ar chead neamhláithreachta san áireamh, ar ábhar na hImlitreach seo.
24. Is féidir an Imlitir seo a rochtain ar shuíomh na Roinne faoi <http://www.education.ie> .

Padraig Maloney  
Rannóg Párolla  
28 Meitheamh 2013